

եւ 'ի նոցանէ առ զոր խնդրէրն , եւ նոքա եկեալ յե-
 րուսաղէմ առին զդրամն իւրեանց 'ի Պատրիարքէն : եւ
 յերկիւղէ նորին փակեցան դրունք քաղաքին և կարգե-
 ցան պահապանք , յաւելլաւ սոփի և տաղանապ նուազութեան
 ջրոյ : Բռնացան այլազգիք 'ի վերայ երկից վանօրէից , պա-
 հանջելով դրամս և զայլ իրս , և նոցա անճարացեալ գու-
 մարեցան 'ի խորհուրդ , և գրեցին աղերս առ իւրաքան-
 չիւր ազգայինս 'ի Կոստանդինուպօլիս , զի թերեւս մար-
 թասցին գտանել ազատութիւն ինչ : Իսկ զկնի տօնի Ս .
 Չատկի եհաս յերուսաղէմ լուր մահուան ճէզար Փաշայի ,
 և 'ի տեղի նորա յաջորդելոյ Արապկերցի Իսմայիլ Փաշայի
 արձակումն ոմանց յերեւելեաց 'ի Բանտէ , և Օթմանին մնալ
 անդ : եւ յուղեւորիլ ուխտաւորաց 'ի հայրենիս իւրեանց
 'ի ցամաքէ , եղբարք եւ ազգականք Ապուղօշի դիմեցին
 բազմութեամբ 'ի վերայ նոցա , և կալեալ բռնութեամբ և
 անարդանօք դարձուցին զնոսա յերուսաղէմ , և խնդրէին
 'ի վանականաց զեղբայրն իւրեանց . միաբանեալ էր ընդ
 նոսա և Միւֆթի քաղաքին : Հայք եւ Յոյնք գրեցին գիր
 աղաչանաց առ Բդեշխն Իսմայիլ , և առաքեցին զԳարրիէլ
 և զՄեսրոպիանոս վարդապետս յԱքքէ վասն ազատութեան
 առնն և վասն այլոց խնդրոց , եւ յերկարիլ միջոցին զայ-
 րացեալ Յոյն ուխտաւորաց դիմեցին 'ի վերայ փոխանոր-
 դի նոցին , եւ ձգեալ զնա արտաքս առեալ գնացին առ
 Միւֆթի քաղաքին , և ազմկեալ կոչէին անդ թէ ընդէ՞ր
 արգելուք զմեզ 'ի ճանապարհաց մերոց , զի ոչ գոյ տեղի
 հանգստեան և ջուր ըմպելոյ 'ի քաղաքիս . գնացին անդ
 եւ թարգմանք , բազում աղաչանօք և խոստմամբ դրամոց
 հազիւ կարացին հաճել զմիտս նորա , այլ գիւղականք ոչ
 երբէք հաւանէին ընդ այն : Եհաս գիր 'ի բանտարկելոյ
 անտի թէ ' թողէք զուխտաւորս , զի վարդապետքն ջանիւք
 մեծաւ աշխատին վասն ազատութեան իմոյ , գիւղականք
 ընդ այն ևս ոչ հաճեցան , մինչեւ տռին յերաշխի զթարգ-
 մանս Հայոց և Յունաց , և այնպէս թոյլ ետուն ուխտաւո-
 րաց ելանել 'ի ճանապարհ և քաղաքապետն ընդ նոսա : եւ
 յետ մեկնելոյ ուխտաւորաց 'ի ճանապարհ երկից աւուրց ,
 զիւղականք արգելին առ իւրեանս զթարգմանս , և 'ի սող-
 րելոյ Միւֆթիին և քաղաքապետին , ետուն գիր երաշխա-